



30 Abril 2021

Mensajen husi Embaixador Austrália nian iha Timor-Leste, Peter Roberts



Benvindu mai ami Embaixada Austrália nia buletín informasaun daruak ba tinan ida ne'e. Ho rekoperasaun husi inundasaun ne'ebé kontinua la'ó, ita mós daudaun ne'e hasoru kazu COVID-19 ne'ebé aumenta sa'e lalais. Austrália orgullu sai parseiru ho Timor-Leste ba situasaun ne'ebé mak antes ne'e la akontese.

Ita-boot dalaruma haree ona atualizasaun informasaun hirak ne'e barak iha ami nia pájina Facebook, maibé ida ne'e rezumu husi saida mak atinje ona durante semana rua kotuk to'o mai ne'e.

Iha semana rua kotuk liu ba, Austrália:

- 01 Lori ona sasán ba emergjénsia tonelada 29 resin tan inklui Ekipamentu Protosaun Pesoál (síglá Inglés: PPE), lona, sasán ijéniku, material ba tein nian no mós ba hadia uma, bomba supa tahu, lensól no lampu solar ne'ebé tula tuir Austrália nia Forsa Aeréa nia aviaun Royal Australian Air Force C-130. Totál hamutuk, Austrália distribui ona sasán umanitária nian ho todan tonelada 58 resin deste inundasaun foin dadauk ne'e.
- 02 Kolabora ona ho Kompañia husi Austrália Santos hodi tulun Timor-Leste nia prosesu fornese ba elikoptéru ida hodi hala'ó avaliasaun aeréa no transporta sasán sira ba área hirak ne'ebé mak afetadu tanba inundasaun.
- 03 Aumenta tan ona espesialista adisionál na'in hat nu'udar parte ida husi Austrália nia Ekípa Médiku (AUSMAT) hodi serbisu hamutuk ho Ministériu Saúde kona-ba asuntu COVID-19 no esforsu ba responde inundasaun.
- 04 Kontinua ona hala'ó serbisu ho Bee Timor-Leste liuhosi ami nia programa PARTISIPA hodi asegura disponibilidade ba bee hemu ne'ebé moos. Deste inundasaun, estabese ona tanke hamutuk 69 no transporta ona bee litru millaun 2 ba sentru evakuasaun sira no komunidade hirak ne'ebé mak afetadu.
- 05 Liuhosi ami nia programa Nabilan ami serbisu hamutuk ona ho parseiru sira hodi hadi'ak seguransa iha sentru evakasaun ba feto no labarik sira no fornese sasán esensial inklui sasán ijéniku no toba-fatin. Voluntáriu treinadu sira mós fornese apoia psikososiál, inklui terapia halimar ba labarik sira.







06 Apoia ona F-FDTL liuhosi ami nia Programa Kooperasaun Defeza hodi hamoos no restaura fali Baze Portu Naval Hera, no parseria ho F-FDTL nia enjiñeru sira hodi halo renovaun ba facilidade izolamentu foun ida ba COVID-19 iha Baucau.

07 Kontribui ona ba seguransa nian liuhosi lampu sorot ba polisia nia postu pasa-revista sira no restaura elétrika iha kuartél-jerál iha munisípiu Dili. Ami nia Programa Dezenvolvimentu Polisia mós apoia PNTL nia operasaun inklui dezloka staf investigasaun na'in 46 ba akomodasaun foun.

08 Apoia ona ho susesu fornimentu vasina husi COVAX ba COVID-19 ba lote primeiru tuir parseria ho Ministériu Saúde, Organizasaun Mundiál ba Saúde no UNICEF. Ami serbisu hela hodi fornese vasina ne'ebe Austrálianu produz iha tempu badak.

Dala ida tan ami nia agradece ba pesoál liña frente sira no ema hothotu ne'ebe mak serbisu nafatin hodi asegura sira nia comunidade moris ho seguru. Haksolok tebes hatee Timor-Leste nia distribuisaun dahuluk ba vasina AstraZeneca distribui ona iha rai-laran tomak. Ho vasina ne'ebé sei haruka tan mai iha tempu badak, distribuisaun tuir tempu sei sai hanesan xave ba rekoperasaun.

Atu nafatin atualiza ho informasaun tuir mai, tuir ami nia pájina Facebook 'Australia in Timor-Leste'. Ita bele hetan ami nia buletín nia edisaun antigu sira iha ami nia sítiu internet.



09 Hafoun ona ami nia programa Parseria ba Dezenvolvimentu Umanu ba tinan 5 oin tan mai – investimentu ho totál osan Dolar Amerikanu millaun 77.5 (Dolar Austrálianu millaun 100) ba setór prioridade tolu – saúde, edukasaun no protesaun sosiál. Investimentu ida ne'e enfatiza katak Austrália nia apoiu mak flexivel, ne'ebé mak responde ba prioridade imediata hanesan COVID-19 no inundaun, no iha tempu huanes dezenvolve mós kapasidade ba tempu naruk.

10 Estende ona loron ikus ba hatama aplikasaun ba Bolsu Estudu Australian Awards Scholarship to'o loron 31 Maiu no tau medida apoia adisional hodi tulun hirak ne'ebé mak afetadu tanba serka-sanitaria COVID-19 ka inundaun hodi bele aplica.